

1125

元明事類鈔

元明事類抄

總校官知縣臣繆琪

校對官中書臣李斯咏

謄錄監生臣馮國炳

欽定四庫全書

元明事類鈔卷二十六

監察御史姚之駟撰

珍寶門

金

得金手中 元史蘇格使金不屈金主壯之取金卮飲之飲畢即懷以出復命備以虛實告且出所懷金卮以獻太宗喜曰我得金於汝手中矣

淘金 元食貨志豐城舊有淘金戶三百地不產金而歲課轉增民死徙且盡揭徯斯言之朝蠲其課

不登藏金 元史杜瑛所居術者言其下有藏金家人欲發視輒止之後來居者果得黃金百斤其不苟取如此

大如棗 西使記密實勒國地產金人夜視有光處誌之明日發之有大如棗者

藏金尺 元富珠哩朮集江西吏善舞文或誣熊氏子買

藏金尺訊則無之訊益酷乃貨簪珥作新尺符其妄
尚公至率清脫民始寧

橐不能容 元史博羅歡未至雲南布固丹密以金六
簋迎餽歡以其握兵拒之恐致變陽諾曰吾橐不能
容可且持歸待我取之至則竟其獄

賜葉金 袁桷詩入院聽宣席未溫賜金已向案頭存
自注故事入院傳旨畢賜葉金十兩始草制

不買詩名 元好問黃金行人間不買詩名用一片青

山衡霍重

盤龍金 明高帝實錄上一日手黃金一錠示羣臣曰
此乃表箋祇盤龍金命宮中洗濯銷鎔所成者

一挺酬詩 王世貞集元末吳中饒介之以醉樵歌試
諸名士獨張夢簡第一得黃金一挺高季迪次之得
白金三斤餘各次之後承平久張洪修撰為人作一
文得五百錢

胎金 宋濂集宣慰伯以婆律香贄余闕闕覺重却之

香中果胎黃金也

泚筆金 野獲編世廟齋醮每一舉即赤金亦數十兩
蓋扁對皆以金泥為書握管中書預備大管泚筆令
滿故為不堪波磔狀則袖之凡訖一對或易數十管
則袖中金亦不下數十銖矣

還金釵 泳化編李時勉元夜觀燈拾一金釵歸書於
門有一婦人來告驗而還之其夫具幣以謝公不受
因納一片藥曰此血竭不易得公入之後公以直諫

為金瓜斷脇賴血竭灌之得不死

不識金礦 明史稿陳觀洪武時為陝西叅政以廉稱

或問陝產金礦何狀觀大驚曰吾備位藩寮何金之

問

生熟金 明曹昭格古要論金出西番高麗等處沙中

南番瓜子金麩皮金皆生金也雲南葉子金西番回

回錢此熟金也

置金墓下 程敏政集馮履吉以鎡金貸俞繪不質券

馮卒後十五年俞遣其子以金倍息歸馮之子朋玉
不受其子則奠置馮君墓下而行朋玉不獲辭則以
予鄉人之貧者

金壺遺家 萬歷注畧上方十歲以英明聞穆廟恭妃
以金壺遺其家為門者所執上笞內使三十而以百
金遺妃曰妃家貧以此給賜先帝賜器不可出也

紫石成金 筆麈嘉靖中海豐漁子為颶風飄一絕島
見人皆椎結袒裼所食惟蜜浸黃精薯芋之類其流

水處皆五色石漁子各收數升置舟中一日颺返故
所取所挈文石則皆黠韞瑟瑟諸寶也中有紫者以
五銖入火間以白金成黃金一兩不鎔則柔甚可屈
折云

伯溫害金 李日華集老竹嶺溪中多礁石相傳劉伯
溫害金在下誠意伯每數十年一遣人來取土人妄
鑿之終不得

金甲 明紀事本末劉瑾籍沒得金二十四萬錠又五

萬七千八百兩元寶五百萬錠又一百五十八萬三千六百兩寶石二斗金甲二金鈎三千金溫盒五百高北斗 明通紀萬歷時巡撫李三才請停礦稅疏云皇上欲黃金高北斗而不使百姓有糠粃升斗之儲講筵金錢 長安客話景泰初始開經筵每講畢布金錢於地令講官拾之以為恩典

金絲帳 弇州史料嚴世蕃有金絲帳累金絲為之輕細洞徹

金銀置礮 明紀事本末李自成殺掠馬騾為上次軍
仗次衣幣次珍寶其金銀恆散棄之或以代鉛置礮
中

錮金 明史稿張獻忠破蜀用法移錦江涸而闕之深
數丈埋金寶億萬計然後決隄放流名錮金曰無為
後人有也

箔金 宋濂義俠歌取袍當戶著袍縫爛然蘋箔金滿
中貯碎若剪鳳翎

玉

玉桃盞 元史阿哈瑪特諱巴延平宋時取其玉桃盞帝
命按之無驗後有獻此盞者帝愕然曰幾陷我忠良
十七步 輟耕錄巴延至于闐見有白玉一段高廣五
六尺長十七步以重不可致

玉遽 元食貨志玉在法爾實者有民戶六十淘焉於
是免其差徭所淘之玉立水站遽至京師

鎮圭 續通考元鎮圭制以玉長一尺二寸有袋副之

止燔瘞 元祭祀志平章賈閭等議大祀禮神之玉無得燔瘞蓋燔者取其氣之臭聞玉既無烟又且無氣但當奠於神座卒事藏之時出而用

照見筋骨 輟耕錄巴延嘗至于闐國得一玉佛高四尺色如截肪照之筋骨脉絡皆見

納玉盞 元史世祖納碧玉盞六白玉盞十五於太廟
拌斗盈尺 談薈雅克特穆爾嘗宴客櫻桃下以赤玉盤盛脯白玉斗盛漿皆盈尺客楊維禎亦為色動

磨玉璽 輟耕錄至元間巴延出太府監所藏歷代玉璽磨去篆文改造押字圖書及鷹隆等物以分其黨與

玉酒甕 輟耕錄廣寒殿有黑玉酒甕玉有白章隨其形刻為魚獸出沒之狀其大可貯酒三十石

煖玉注 明孔邇紀談陳友諒時或進煖玉注蓋出於薛塘古墳者

玉玲瓏 泳化編汪后以憲宗護持聲所有以出英宗

索一玉玲瓏太監對應在汪所汪急而投之井

市盈尺 嘉靖注畧諭內閣皇祖六寶正德甲戌火失其五令市玉盈尺者補之

雪山青玉 卓異記建文元年有使者還自西方得青玉於雪山方踰二尺質理溫潤上命玉人琢為大璽命曰凝命神寶

盤徑尺 明紀事本末王振籍沒時器服珍玩尚方不及玉盤徑尺者十面珊瑚高者七八尺金銀十餘庫馬